

7

TENTAMEN MEDICUM
INAUGURALE,

DE
DYSPEPSIA.

QUAM,

ANNUENTE SUMMO NUMINE,

Ex Auctoritate Reverendi admodum Viri

D. GEORGII BAIRD, S. S. T. P.

ACADEMIÆ EDINBURGENÆ Praefecti,

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

JOANNES MAHARG,

HIBERNUS,

Soc. Med. Hibern. Edin. Soc. Extraord.

Et Praefes Annuus.

Ad diem 12 Septembris, hora locoque solitis.

——— Ut possem curvo dignoscere rectum,
Atque inter silvas Academi quaerere verum.

HORAT.

EDINBURGI:

CUM PRIVILEGIO.

TYPIS GULIELMI CREECH.

M DCC XCIII.

ERRATA.

Pag. 11. l. 5. *pro ingenuofus lege ingeniofus.*

16. - 4. — *ſingulus lege ſingulis.*

18. - 16. — *plantem lege plantam.*

23. - 15. — *valuit lege voluit.*

27. - 11. — *materiae lege materia.*

36. - 8. — *beaf lege beef.*

37. - 22. — *ſent lege ſentent.*

38. - 10. — *raparation lege reparation,*

39. - 9. — *gaſtrice lege gaſtric.*

VIRO OPTIMO, ERUDITO,
ANTONIO FERGUSON, Armigero,
Apud DUBLINIUM,
Praestantiâ cordis,
Et amicâ in *omnes* benevolentîâ,
Amorem *omnium* concilianti ;
Omnibus virtutibus,
Quae homini veram dignitatem
Afferre queant,
Gaudenti ;
Propter confilia saluberrima,
Maximaeque in me collata beneficia ;
Quae,
Dum memor ipse mei, dum spiritus hos reget artus,
Nunquam memoria mea excident :

THE UNIVERSITY OF CHICAGO
ANNUAL REPORT 1900-1901

AND
FINANCIAL STATEMENT

FOR THE YEAR ENDING JUNE 30, 1901

AS PREPARED BY THE BOARD OF TRUSTEES

CHICAGO, ILL.

PRINTED BY THE UNIVERSITY OF CHICAGO PRESS

1901

CHICAGO, ILL.

THE UNIVERSITY OF CHICAGO PRESS

1215 EAST 58TH STREET, CHICAGO, ILL.

CHICAGO

THE UNIVERSITY OF CHICAGO PRESS

1215 EAST 58TH STREET, CHICAGO, ILL.

Necnon

REVERENDO ADMODUM VIRO,

ALEXANDRO MERCER, D. D.

Apud CRUMLIN,

In Comitatu Dublinienfi;

Animo probo, honesto, benevolo,

Virtute omnigenâ,

Bonarumque literarum cognitione,


Praedito;

Ob plurima amicitiae haud mediocris documenta,

A se, suisque mihi delata,

Quorum memoria

Semper alta mente reposita manebit:



Digitized by the Internet Archive
in 2020 with funding from
Wellcome Library

<https://archive.org/details/b31968995>

Denique

REVERENDO VIRO,

J A C O B O H U L L,

Apud BANGOR,

In Comitatu Dunensi;

Benignitate, Pietate, Humanitate,

Omnibusque ingenii felicitis dotibus,

Insigni;

Mihi per varios casus constanter amico,

Et amore verè paterno me semper foventi;

Has studiorum in Medicina primitias,

Ut testimonium, Eheu! quam leve!

Animi haudquaquam ingrati,

Summa observantia,

D. D. C.que

JOANNES MAHARG.

TENTAMEN MEDICUM

INAUGURALE,

DE

DYSPEPSIA.

AUCTORE JOANNE MAHARG.

MORBUS hic, aequè studioso scientiae omni-
genae avaro, et virgini pulcherrimae dolenti, co-
mes injucundus, attentionem meam invocat.

Quandoquidem omnes corporis humani partes
continuo, rebus actioni ventriculi expositis, mu-
tantur et nutriuntur, hujus organi vitium caete-
ris fabricae partibus multum injuriae laturum esse
patebit.

Causam proximam hujus morbi melius notam reddere, et methodum medendi magis certam, efficaciorumque instituere, pauca de concoctione alimentorum praefari forsitan oportet. Quamquam enim tam multa experimenta ingeniosa et conjecturae in medium prolata fuerint, scientia nostra, quod ad concoctionem attinet, adhuc imperfecta est.

Sed rem ad plenum perscrutari, hujus tractatus limites haud finent, et praeterea opus perdifficile foret.

Forsitan, diversis animalibus diversis modis perficitur; in homine vero de quo hîc agitur, nobis, omnibus ritè perpenfis, verisimile videtur cibum, masticatione, mistura cum saliva, et aliquo fermentationis (sui generis fortasse), praeuntibus, facilius a succo gastrico, causa concoctionis efficiente, pervadi.

DEFINITIO MORBI.

“ ANOREXIA, nausea, vomitus, inflatio, ructus,
“ ruminatio, cardialgia, gastrodynia, pauciora sal-
“ tem

“tem vel plura horum simul concurrentia, ple-
“rumque cum alvo adstricta, et sine alio, vel ven-
“tricoli ipsius, vel aliarum partium, morbo*.”

HISTORIA.

PRAETER consensum universum totum corpus pervadentem, insignis est sympathia tubum alimentarium inter et diversas alias corporis partes, ita ut alterâ parte malè se habente altera affectionem participet, praesertim si jam debilitata fuerit.
“Consensus quidam insoliti, morbos, oriri viden-
“tur a parte jam praeter solitum sentiente, et
“mobili, et debili, ideoque ab aliarum partium
“statu, vitiis, irritamentis, plus aequo patiente.
“Haec videtur esse ratio, cur multi morbi a cau-
“sa generali provenientes, in partes jam debiles
“aut morbidas facilius incumbant†.” Exempli gratia, nausea et vomitus saepe a cephalalgia; concussione

* Cullen. Synop. Nosol. Method. gen. XLV.

† Greg. Consp. Med. Theor. § 367.

concussione aut cerebri contusione ; renum, hepatitis, ductus biliarii, uteri, pedum, &c. affectionibus ; aut a diversis saporibus, odoribus, et mentis affectionibus, oriuntur :—Contra, ex ventriculi affectione cephalalgia, oculorum hebetudo, vertigo, odontalgia, dyspnoea, tussis, &c. enascuntur.

Hinc intelligamus qua ratione cephalalgia aliquando medicamentis vomitoriis, absorbentibus, amaris optimè amoveatur ; vel quomodo fit ut manuum, ad quoddam tempus, tremor cesset, poculo alicujus liquoris fortis sumpto ;—hinc appetitum cibi excitat exhalatio per cutem libera ;—hinc vesicatoria, cucurbitulae sine ferro, rubefacientia, aut cataplasmata aromatica vomitionem reprimunt ;—hinc denique frigus extremitatibus inferioribus subitò applicatum diarrhoeam inducat.

Perdifficile erit, propter irregularem symptomatum progressum in morbo tam multifario, exactam dare historiam. Tamen symptomatum praecipua sunt sequentia.

Sensus plenitudinis aut ponderis circa ventriculum, cum praecordiorum dolore obtuso vel gravante ;

vante; anorexia, nausea, vomitus, eructationes plerumque acidae, interdum vero rancidae, putridae, aut amarae; ventris tormina et borborygmi, ferè post flatus expulsiõnem sursum aut deorsum quiescentia, cito vero revertentia; gastrodynia, anxietas magna, dyspnoea, et, sumpto cibo, palpitation cordis. Aliquando expuitio crebra materiei tenacis, spissae adest; interdum lingua forde albida aut subflava obducitur, cum siti matutina. Quinetiam tussis molesta saepe aegrotum lacessit.

Sunt qui, una vel altera hora post cibum, ingesta ad os usque rejecta iterum manducant, iterumque instar bovim aut caprorum ingurgitant.

Aliquando solida laxa et flaccida fiunt, labiis color aufugit, corporis habitus fit pallidus, tumidus, nonnunquam tabidus: Haec vero symptomata rariùs apparent eo gradu quo, cuinam reputanti quam magni sit momenti organum morbo laborans, suspicatum esset. Vires labescunt, sensus lassitudinis oritur, et aeger omnem motum, praesertim post cibum assumptum, averfatur. Cephalalgia et vertigo plerumque occurrunt, quae
saepe

saepe tam graves sunt, ut aeger ebriosis instar vacillet; nonnunquam tinnitus aurium, muscae volitantes, aut bractearum species oculis apparentes. Animus irritabilis evadit, levibus a causis facile dejectus. Diarrhoea aliquando comitatur, saepius verò alvi durities adest. Ictus arteriarum aliquando tardi, sed plerisque in casibus frequentes ac debiles sunt. Exhalatio cuticularis imminuitur, cutem siccam relinquens, et aegrotus de sensu frigoris praesertim extremorum conqueritur. Anima fit foetida, luminaque hebescent, et vigiliae vel horrida somnia vires aegroti exhauriunt. Nonnunquam, propter irritabilitatem magnam in canali alimentario, ingesta cruda et parum mutata excernuntur. Nonnunquam demum Hydrops generalis vel cachexia superveniunt, et aeger *migrat ad plures*.

DIAGNOSIS.

UT hicce morbus saepissimè symptomaticus est, a schirro pylori, ulceribus ventriculi, veneno, fellis redundantia, vermibus intestinorum, dentitione,

ne,

ne, calculo renali, et abdominalium viscerum diversis aliis affectionibus, quales hepatis, renum, pancreatis, &c. exoriens;—aut cum Hypochondriaci, Chlorosi, et Podagra atonica conjunctus, summa diligentia opus erit distinctionem facere morbum idiopathicum inter et symptomaticum. Posteriore enim in casu remedia exhiberi deberent ad primariam affectionem (cum penes nos sit) vel amovendam vel mitiorem reddendam.

Mihi persuasum habeo multum, quod ad hoc attinet; depromi posse è *Synopsi Nosol. Method. celeb.* CULLENI.

Speciebus vel varietatibus viginti quatuor Dyspepsiae idiopathicae, in hoc opere enumeratis, diligenter examinatis, et cum iis in *Nosologia Method. illustr.* SAUVAGESII descriptis, comparatis, prorsus existimo methodum medendi generalem, nullo ferè discrimine, omnibus accommodari posse. E contrario, in speciebus aut varietatibus septuaginta affectionis symptomaticae, praxis nostra, secundum diversitatem morborum unde originem ducunt, ordinetur, oportet.

Morbi, qui praecipue Dyspepsiae speciem prae
fe

se ferunt, sunt Hypochondriasis, Chlorosis, Podagra atonica, et Schirrus Pylori: Pauca igitur de singulis proferre placet.

Adhuc sub iudice lis est an Hypochondriasis et Dyspepsia, tam diu ab auctoribus ut idem morbus descriptae, genere sanè dissimiles sint: Utcunque verò res se habet, quoniam methodus medendi in utroque fere eadem sit, parum periclitatur quamquam confundi essent. Hic tamen conabor signa enumerare, quibus ii morbi a Dyspepsia praecipue distingui possint.

1. *Dyspepsia* homines temperamento sanguineo praeditos plerumque aggreditur, et saepe prima aetate; haud rarò aetate provecta mitior evasura. *Hypochondriasis*, contrà, eos temperamenti melancholici obsidet, ineunte vita minus saepe apparens, labentibus vero annis gradatim ingravescens. Hoc bene illustrare videntur mutationes animi quae in vitae decursu observantur. Adolescentis animus hilaris, promptus, inconsultus, mobilis, defervescente adolescentia gravior, cautior, immobilior fit, usque demum ad senectutem cum animus gravis, tristis, suspicax, pertinax, meditabundus
temperamenti

temperamenti melancholici ad amiffim formetur ; et hoc tam ex temperamento quam ex caufis moralibus pendere videtur. Temperamenta verò minus fiducia merentur quam animi affectus, qui in dyspepsia faepe abeft, et cum praefens fit, femper forfan levior, frequentius cum languore et timore tantum comitatus, et facile dimovendus. At in hypochondriaci signa dyspeptica haud rarò abfunt, aut faltem in leniore gradu adfunt, dum mentis affectio constantior eft, et plerumque morofa, infixæ apprehenfio mali ; in animum impreffiones difficiliter factae funt, fed cum femel fignatae aegrius delendae.

2. Appetitus praeternaturalis, defideriumve rei non efculentae, cutis pallor vel decoloratio ; corporis tumor mollis ab initio morbi, et menftruorum retentio, *Chlorofin* a *Dyspepsia* plerumque fatiſ discernent.

3. In *Podagra Atonica* ſymptomata magis improviſè et majore vi aggrediuntur : In judicio faciendò dirigi debemus ab aegro hocce morbo pridem affecto, et praefertim labe haereditaria.

4. In *Schirro Pylori* eft dolor conſtans, fixus,

cum caloris sensu circa pylori regionem. Concoctio magis impedita, vomitio citius post cibum supervenit, alvus astrictior, et acor ventriculi major. Atque porrò dolor, pressò scrobiculo cordis, plerisque in casibus sentitur;—aliquando, in corporibus macris, tumor.

CAUSA PROXIMA.

CONJECTURAE variae de hac fuerunt prolatae. Quidam morbum muci redundantiae, alii fellis attribuerunt; sed, re accuratè perspecta, haec *symptomata* solummodo videntur esse vel huius vel alicujus alius morbi: Ideoque, opiniones tres tantùm notare decrevi, utpote attentionem nostram praecipue merentes; scilicet,

1. Imbecillitatem aut atoniam in fibris muscularibus ventriculi;

2. Succum gastricum quantitate deficientem;

3. Succum gastricum vitiatum.

Si animum advertamus ad experimenta a SPALLANZANI et STEVENS facta, patebit, vim muscularem ventriculi diminutam, nullo alio modo concoctionem

coctionem afficere posse, nisi quantitatem vel qualitatem succi gastrici mutando :—Hinc constat, ventriculi debilitatem pro causa dyspepsiae *remota* solum habendam esse.

Vir ingenuus, Dr. WILSON, hypothese secundae favet. In tuendam hanc opinionem, dicit,
“ Hae omnes (causae occasionales) agunt debili-
“ tate ventriculo inducta; nocentibus, aut ipso
“ ventriculo, aut corpori universali applicatis; et
“ magis videtur secundum notitiam nostram oe-
“ conomiae animalis credere, ventriculi debilita-
“ tem, quantitatem succi gastrici, potius quam
“ ejus qualitatem, mutare. At, hac considera-
“ tione seposita, nonnullae sunt causae dyspepsiae
“ occasionales, quorum actio particulatim expli-
“ cabilis est, positione, quam sustinere conor;
“ exempli gratia, narcotica et indolentia, quae,
“ ut bene cognitum est, excretiones omnes im-
“ minuunt*.” Praeterea, “ Quanquam dyspep-
“ sia laborans, alimentorum quantitatem solitam
“ concoquere

* Dissertat. Inaug. de Dyspep. Jun. 1792. P. 10.

“ concoquere non potest; at minorem, sine hujus
 “ symptomate ullo digerit*.”

Sed haec omnia jam dicta ex hypothefi tertiâ explicare quid vetat? Annon verifimile est certam quantitatem succi gastrici in ftatu mutato, vel tenuiore, dyspepsiam aequè gignere ac minorem quantitatem in ftatu fortiore? Nec fancitum est caufas occasionales hujus morbi excretiones omnes imminuere: Nam in organo de quo hîc agitur, dum multum fuerit debilitatum, mucus folito copiofior faepe fecernitur: et nobis verifimile non videtur, vafa contigua, in eodem organo, eâdem caufâ generali, diverfo modo affecta fore.

Procul dubiò, est actionem vaforum peculiarem immani vi pollere, ftatum fluidorum, five fecretorum five effuforum, mutando; e. g. ftatus sanguinis ob varias caufas ex venaefectione orientes; lactis nutricis irâ commotae, &c. et, fi analogiae fidere liceat, enumerare poffemus fapores varios, odoresque diverforum vegetabilium quanquam eodem

* Ibid. P. II.

dem pabulo nutritos : Non dubitandum est cur hi vi vasorum speciali non pendeant.

“ Magnam et miram compositionis mutationem
“ in organis secernentibus humores plurimos subi-
“ re, certissimum est. Haec vero, num recte ad
“ effectum fermenti referatur, judicent ii qui na-
“ turam, et vires, variasque species fermentorum
“ noverint, et ipsam mutationem intellexerint
“ quam isti humores subeunt. Frustra enim de
“ vocabulo disputatur. Probe autem memoria
“ tenere oportet, mutationem istam pendere mul-
“ tum ab actione vasorum organi secernentis, et,
“ prout haec affecta fuerint, copiam humoris se-
“ creti multum variare, et qualitates ejus ita cor-
“ rumpi nonnunquam, ut ipse in aliam fere vide-
“ atur converti naturam *.”

Sed quoniam mutationes quas subit succus gastricus, aut causae quibus immediatè potest mutari, adhuc tenebris obtectae sint, et cùm ventriculi debilitas

* Greg. Confp. Med. Theoret. § 719.

bilitas semper adesse videatur, *huic debilitati* in ratione medendi praecipue occurrendum est.

CAUSÆ REMOTÆ.

HÆ duplices sunt.

1° Quae ventriculum immediatè afficiunt.

2° Quae in totum systema, vel partes quasdam suos effectus edunt, quo fit ut ventriculus potissimum vel ferè solum afficiatur.

I. Quae in ventriculum ipsum agunt.

A. Sedantia seu narcotica.

- a. Opium,
- b. Liquores spirituosæ,
- c. Nicotiana,
- d. Thea et coffea,
- e. Acescentia,
- f. Putrida.

B. Stimulantia.

B. Stimulantia.

- a. Aromatica,
- b. Cibus plenior,
- c. Vomitio frequens,
- d. Purgatio violens.

C. Tonica quaedam.

- a. Amara, &c. nimis diu continuata.

D. Relaxantia.

- a. Liquores calidi.

E. Stimulorum confuetorum absentia.

II. Quae totum systema primò afficiunt, vel partes ejusdem speciales.

- a. Vita sedentaria,
- b. Animi pathemata,
- c. Mentis ad studia vel negotia nimia applicatio,
- d. Temperies frigida, precipue humiditate conjuncta,
- e. Somni

- e. Somni defectus vel excessus,
- f. Venus immodicè culta,
- g. Dispositio haereditaria.

Pauca de his singulis in ordine differemus.

SEDANTIA seu NARCOTICA.

His intelliguntur remedia illa quae sensum obtundunt, motumque reprimunt.

Hîc, iis qui verbis pugnare amant, egregia occasio disputandi, subtilissimasque doctrinas aedificandi, de viribus et actione remediorum sedantium et stimulantium. Alii contendunt, nullum existere remedium *directè stimulare*, omniaque potius remedia quae corpus stimulare videntur, id efficere per vim suam sedantem, quae corpori noceret, ideoque debilitaret; hocque demum *viribus naturae medicatricibus* contra talem debilitatem reniti, eandemque brevi superare: Dum alii, vix minore ratione, contendunt, multa remedia quae vulgo *Sedantia* habentur, sua prima actione *Stimulantia* esse, et tantum per excessum vis et effectus

fectus stimulantis, vires vitales exhaustis, sedantia fieri.

Opium.—Hoc vi sedante pollere, ejusque usu frequenti ventriculi tonum, ideoque appetitum valde nocere, omnibus medicis bene notum est. Sed et alium effectum habet, qui medici attentionem, optimo jure, sibi vindicat; scilicet, dum debilitatem gignit, mobilitatem etiam vel inducit vel intendit.

Liquores Spirituosi, non secus ac opium, parva quantitate sumpti, et plurima cum aqua commisti, non immediatè vires sedantes ostendunt, sed, e contrario, stimulant, cardiaci, et exhilarantes esse videntur: Haec verò symptomata excitationis, si tales latices meraciores aut liberius fuerint epoti, cito excipit status oppositus, qui variis morbis, sed iis ventriculi praecipue, viam sternit. Hujus exempla dolenda quotidie observemus in miseris qui sese eorum liquorum inebriantium usui immodico devoverunt.

Nicotiana.—Hanc vires potentissimas narcoticas aequae ac stimulantibus possidere, mihi persuasum est, non dubitari posse, ideoque argumenta super hac re supervacanea fore. Quapropter tantum observabimus, effectus ejus in ventriculum ex vi narcotica pendere potius quam salivae consumptione vel alia evacuatione.

Thea et Coffea.—Hic difficile est dijudicare inter sententias contrarias auctorum celeberrimorum.

Ab experimentis Dris. SMITH, *De Actione Musculari*, constat, ut theae viridis infusio extinguat nervorum sensum et musculorum irritabilitatem: Et experimenta Dris. LETTSOM demonstrant aquam ejus destillatam viribus valde narcoticis polle, et has pendere a materia volatili odora. Hinc mos apud *Cbinenses* hanc plantam magno calore exsiccandi, ejusque usum, donec saltem per annum unum servata fuerit, evitandi.

Quamvis exempla non desunt theae animum exhilarantis, et somnum arcentis: Et quidam ejus infusione utuntur ut alimentorum concoctionem promoveat; quibusdam etiam dicitur vires liquorum

liquorum inebriantium impedire, et, ab astringentia ejus, solida animalium corroborare. Sed hi effectus inveniri possunt inter narcotica alia in parvis quantitibus sumpta; et experientia nimis docet ventriculi morbos multo frequentius grafari ex tempore quo usus theae invaluit: Praeterea multi, qui stomacho laborant, commodum magnum comperiunt pulmentum avenaceum in locum theae infusionis substituendo: Et nemini latet, theam, magna quantitate assumptam, insignem manuum tremorem inducere. Igitur, omnibus perpensis, nobis persuasum est theam esse praeditam vi propria sedante, ea aquae tepidae posthabita. Quinetiam verisimile videtur ejus vim sedantem esse secundum rationem ejus odoris, et igitur, theam odoratissimam esse etiam perniciosissimam.

Quod ad *Coffeam* attinet, alii affirmant ventriculum roborare, et secretiones promovere, et vim astringentem et antisepticam possidere, et fermentationi obstare: Alii, effectum sedantem in genus nervosum exerere, et alvum tardam reddere. Ferre omnes tamen consentiunt usum ejus continu-

um,

um, non secus ac theae, dyspeptici multum esse laefurum.

Acescentia.—Omnia acida vegetabilia nativa, et acescentia, a proclivitate ad fermentationem, et vi sedante quas habent, ventriculo, dum vires concoctrices languescent, plus minus nocent.

Putrida.—Haec raro in ventriculum ingeruntur, sed, dummodo hoc acciderit, eorum effectus comprehendere possumus si eos ovi corrupti, vel alius materiae putridae in ventriculum recepti, consideremus. Verisimile videtur putridorum generationem in ventriculo ex hujus atonia praevia plerumque oriri.

STIMULANTIA. Aromatica.—Haec, intra certos limites, actionem fibrarum muscularium ventriculi excitando, remedia fiunt, sed hos ultra actioni adauctae cito succedit, pro rata parte, debilitas.

Cibus plenior.—Hujus noxae oriuntur a mole alimenti vel aëris extricati ventriculum nimis distendente:

tendente : “ Ingens enim aut diuturna fibrarum
“ musculosarum distentio tantum abest ut con-
“ tractionem earum faciliorem et validiorem red-
“ dat, ut eandem saepe minuat vel destruat ; et
“ sic muscoli fere solvantur, pristinam vim neque
“ facile neque subito recuperaturi *.”

Vomitio frequens—Purgatio violens.—Illa motum peristalticum invertit et totum systema concutit ; haec motum intestinorum peristalticum, et consensu ventriculi, praeter naturam auget. Sic utraque vires ventriculi exhaurit.

TONICA. *Amara.*—Haec saepe in dyspepsiae curatione cum fructu adhibentur ; sed illorum usus continuus ventriculi totiusque systematistonum destruere, haud raro observatus est. Utrum effectus nocivi a repetitione mera operationis tonicae, vel stimulantis, an a vi aliqua narcotica, oriuntur, parum constat ; sed hac, aliqua saltem parte, suspicari potest

* Greg. Consp. Med. Theoret. § 328.

potest ob vim venenosam jamdudum deprehensam amarorum validissimorum quibusdam.

RELAXANTIA.—Hujusmodi sunt *Liquores calidi*. Hic non necesse fit investigare corporis humani imperium in calore vel frigore generando, et sic seipso, certa ratione, a noxa conservando: Liceat ad experientiam quotidianam relegare, ut aliquis probe perspiciat effectus infirmantes liquorum calidorum externe vel interne adhibitorum. Bene notum est hos liquores vi emolliente, relaxante, et sedante praeditos esse, et motus abnormes reprimere, et dolores sopire, et soporem, et aliquando demum syncopen, inducere.

Stimulorum consuetorum absentia.—Hujus effectus exemplo illustretur, nempe,—Si homo vino vel condimentis inter prandium uti soleat, consuetudo, hoc modo, acquisita erit, ita ut ventriculus sine his stimulis asuetis alimenta non concoquere possit.

Vita sedentaria—Mentis ad studia vel negotia nimia applicatio—Somni defectus vel excessus—Animi pathemata vehementia.—Haec omnia, brevitate causa, in una classe hic collocavimus, et eandem ob causam de singulis speciatim non possumus tractare. Sententia nostra super hac re haud majori auctoritate suffulta sit, nec oratione accuratiore, quam a verbis auctoris eximii: “ Desidia, five animi five corporis, utriusque vires
“ languescunt: Nimia exercitatione, haud minus laeduntur. Statuit enim provida rerum
“ Parens, ut singularum partium, et universi corporis animique vires usu roborentur et acuantur; et huic iterum certos fines posuit: Ita ut
“ neque quem valuit natura usus impune omittatur, neque ultra modum intendatur.—Caeterum et ab iis quas nullo nostro arbitrio regimus,
“ tam animi quam corporis functionibus, valetudinis discrimen non leve esse potest. Animi
“ imprimis affectus, qui modici grate excitant, vehementes, aut graves et diuturni, hujus pariter ac corporis vires frangunt; hominem interdum statim extinguunt, saepius longa valetudine
“ macerant.

“ macerant. Somni etiam, quo ad exhaustas vi-
 “ res reficiendas egemus, excessus vel defectus, et
 “ animo et corpori nocent *.”

Temperies nimis frigida, praecipue humiditate conjuncta.—Quamvis frigus intra certos limites, et secundum certas conditiones, sit remedium roborans, stimulans, vel astringens, tamen liquet ut, rebus non ita se habentibus, sedans sit praepotens, et motum, sensum, et etiam vitam extinguat. Vires ejus infirmantes multo augmentur a humiditate: Tales sint humiditatis effectus ut praeceptor noster eruditissimus, Dr. HOME, ait ventriculum hominis hoc morbo laborantis *hygrometrum* haud aspernandum fieri posse.

Dicitur, Eurum praecipue aegris nocere, et hoc verisimile videtur, nam bene notum est, effectum similem habere in febre intermittente laborantibus; sed effectus hujus venti, me iudice, non pendeant a humiditate, ut quibusdam placuit, nam scientia Philosophiae et Historiae Naturalis demonstrat

* Greg. Confp. Medic. Theoret. § 60,—61.

monstrat Eurum quam Austrum aut zephyrum, in hac regione, caeteris paribus, humiditatem minorem continere.

Venus immodice culta.—"Concubitus vero neque nimis concupiscendus, neque nimis pertimescendus est. Rarus, corpus excitat, frequens, solvit*."

Dispositio haereditaria.—Sua singulis hominibus constitutio constat, non secus ac sua facies aut forma corporis, non tantum a natura coeli sub quo vivimus, victusque et vitae genere quo utimur, oriens, sed etiam flaminibus foetus primordiis dum latet in utero, a supremo Opifice impressa, et nunquam penitus delenda. Et qualis constitutio aut forma parentis, talis ferè sit prolis. Haec constitutio vel dispositio haereditaria videtur oriri, in hoc morbo, praecipue a temperamento sanguineo, quod dignoscitur capillis tenui-

1

D

bus

* Celsus, Lib. I. Cap. I.

bus et saepe rufis aut flavis, compagine molliore, pleniore, cute delicata, eximio vultus colore, venis magnis et caeruleis, et animo praeter solitum sentiente, irritabili, hilari, et mutabili.

RATIO SYMPTOMATUM.

Anorexia, Nausea, Vomitus.—Haec fere in gradu tantum discrepant, et multas causas agnoscunt, tum quae ventriculum ipsum afficiunt, tum quae remotissimas corporis partes, quarum affectiones, secundum consensus leges, ventriculum multum afficiunt.

Cibi appetitus deficit saepe propter exercitationem neglectam, vel a suppressa per cutem exhalatione, vel a quavis ventriculi debilitate. Nausea et vomitus saepe oriuntur a ventriculi irritatione aut distentione, veluti ab onere cibi crudi; a morbis fere cujusvis corporis partis, vel animi affectibus.

Inflatio.—Res est notissima, alimenta, quae in ventriculum sumimus, magnam aëris in statu fixo quantitatem

quantitatem habere : Hic igitur inter concoctionem extricatur, sed in ventriculo sano effectus nulli nocivi unquam apparent, utpote cito iterum abforbetur.

Si vero ventriculus statu in debili sit, abforbendi facultatem magna ex parte amittere videtur, et hoc modo inflationis signa explicari possunt.

Cardialgia.—Haec intelligitur sensus injucundus ad cardiam relatus, plerisque in casibus ab acido vel materiae acri productus, a cibi in ventriculo remora, vel proclivitate ad fermentationem acetosam ineundam.

Sive acidum oriatur solum a cibi in ventriculo fermentatione, sive, in casibus quibusdam, in ventriculum a massa fluidorum circumeuntium deponatur, valde incertum. Sed ab observationibus sequentibus nobis verisimile videtur acidum aliquando totum systema pervadere, et inde ejectum. Dr. HOME, post vomitionem donec aqua epota rejecta fuit pura, invenit acidum in ventriculo ejus citò generatum. Dr. WILSON cuti e-

jus

jus apposuit chartulam infuso vegetabili caeruleo tinctam, quae in colorem rubrum mutata fuit. Et Generosus ex Amicis meis me certiores fecit, sudorem aegrae sub cura Dris. PERCIVAL apud Dublinium, acidi documentum clarum praebere.

Gastrodynia.—Haec plurimis a causis proficisci potest, veluti inflammatione, inflatione, acrimonia, et spasmo; sed plerisque in casibus originem ducere a spasmo videtur, utpote atoniam frequenter comitatur, et antispasmodicis fugatur.

Alvus adstricta inducitur a ventriculi debilitate ad intestina transeunte, motumque eorum peristalticum imminuente. Aliquando, forsan, ex minuto *bilis* stimulo, ab acido in tubo alimentario generato infirmatae.

Pulmonum affectiones agnoscunt pro causa ventriculi distentionem, amplitudinem thoracis diminuentem; vel consensum ventriculum inter et pulmones,

PROGNOSIS.

P R O G N O S I S.

HICCE morbus si diu perfliterit raro medetur; sed fere semper leniri potest, et plus molestiae quam discriminis vitae fert. Cum juvenem aggreddiatur, si symptomata nondum magnum ad gradum accesserint, et causae remotae non diu fuerint applicatae, eventum fore faustum sperare possumus. Sin vero hominibus aetate provectis, post causas remotas diu applicatas, occurrat, et si symptomata sint vehementiora, et post remediorum usum saepe recrudescentia, tunc prognosis minus fausta, et hydrops vel cachexia generalis metuenda est. A quibusdam febris hectica dicitur hujus morbi sequela esse, sed de hac multum dubito.

M E T H O D U S M E D E N D I.

CONSILIA medendi tria sunt.

I. Causas

- I. Causas remotas quam maxime evitare,
- II. Symptomata graviora removere vel levare,
- III. Tonum ventriculo reddere.

I. Quod ad primum consilium attinet, de causis remotis adeo fuscè jamjam diximus, ut earum, hoc in loco, mentionem iterum facere minime necessarium sit. Omnes, quotquot sunt, quam assidue et caute fugiendas esse, dicere sufficiat.

II. Symptomata removere vel levare.

Anorexia et Nausea.—Prior saepe oritur ab imminuta excretionè cuticulari, et commodissime amoveri potest exercitatione: Sed cum utraque proficiscitur a colluviei in ventriculo accumulatione, si inedia modica sit inefficax, praestat ut ventriculum deplere conemur catharticis idoneis; cujusmodi sunt *pilul. rhei comp. vin. aloet. &c.* Si haec parum profint, tum emeticis decurrendum est; ut *infus. chamaem. pulv. ipecac. &c.* quae presentius levamen praebent plerisque symptomatibus a prava concoctione exorientibus. Emetica
ventriculum

ventriculum ab onere insigni liberant, sanguinis cursum per viscera abdominalia expediunt, secretiones et excretiones varias, praecipue cuticulares promovent, et totum genus nervosum excitant: Sed effectus eorum nocivos in memoria tenere semper oportet; quamvis enim verisimile fit materiei peccantis in ventriculo remoram effectus peiores edere quam qui emetici operationem sequerentur; attamen emeticorum repetitio frequens vim tonicam ventriculi delet. “ I am certain, from
“ much experience, that frequent vomiting hurts
“ the tone of the stomach, and often makes the
“ symptoms of indigestion recur more frequently
“ and sooner than they otherwise would have
“ done*.”

Vomitus.—Hic quibusdam in casibus salubris naturae nifus est materiam noxiam ejicere, et tunc promovendus: Cum vero aliter res se habet, quamprimum compescendus est, quippe qui vi-
res

* Cullen's Mat. Med.—Differens de emeticis.

res conficit. In hunc propositum haustus salinos effervéscentes propinemus, vel acid. vitr. dilut. acetum destillat. aq. menth. pip. aether. vitr. opitata aromaticis conjuncta; aut enemata anodyna: Vel, externè, embrocationes seu cataplasmata ex spir. vini, aethere, opio, vel aromaticis confecta; cucurbit. sine ferro; rubefacientia aut epispast. regioni epigastricae applicanda.

Cardialgia.—Ventriculus ab acore quodammodo defendi possit extracto glycyrrhizae, gummi arab. et variis aliis demulcentibus; sed quoniam haec ventriculum onerare solent, *Antacidis* (ut vocantur) potius confugiendum est: Qualia sunt alkali fixum et volatile, magnesia, pot. cretac. trochisci cretae, &c. Horum tamen selectio idonea fieret oportet, prout res se habeant; sic, alvo adstricta, alkali, magnesia, vel haec cum rhabarbaro conjuncta, quae non solum alvum ciet, sed insuper intestina roborat. Interdum magnesia communis flatus intestorum auget, tunc magnes. usta magis conveniet. At ubi alvi fluxus adsit, potio cretae, chelae cancror. vel aqua calcis (quae ad mucum ventriculi

ventriculi solvendum, experimentis Dris. WHYTT efficacissima inventa fuit) sunt eligendae.

Ex ammoniae (olim. alk. vol.) usu, sagaciter adhibitae, multum sperare liceat, praecipue ubi alvus adstricta sit, si ad qualitates ejus antacidas, laxativas, fudorificas, stimulantis et antispasmodicas respiciamus; si autem nimia quantitate adhibeatur effectus longe diversos in corpore humano ederet; scilicet, fortasse, materiam nutrientem ea acidi portione quae fluida animalia ritè ingredi-
retur, spoliando.

Gastrodynia remediis demulcentibus aliquando sublevari potest. Antispasmodica vero, ut aether. vitr. ammonia, spir. ammon. foetid. moschus, et opium, multo plus valent.

Constipatio plurimum molestiae saepe adfert, et morbum graviores reddere proclivis est; si igitur, cibo ad normam sumpto, nihilominus non depellenda sit, laxantibus confugiendum est, iis nempe quae ventriculum quam minime infirment; scilicet, electuario fennae, sulph. aloe (haec cum asa

foetida nonnunquam commode jungatur), pil. rhei comp. vino aloet. &c. Rhabarbarum in ore frequenter mansum multum laudatur, multisque exemplis, tum ad alvum movendam tum ad appetitum acuendum respondit. Intervalla fixa alvum dejiciendi, itaque naturam sollicitandi, observare, magnopere prodesse possit; sic enim nata fit consuetudo huic affectioni multum occursura.

Tormina ventris et borborygmi flatu orientia, antispasmodicis aut stimulantibus alleviuntur: Qualia sunt oleum vel aqua menth. pip. anisi, carui, &c.

III. *Tonum ventriculo reddere.*

Antequam, ad investigationem diversarum rerum huic indicationi inservientium nos accingamus, pauca de *Cibo, potuque* aegrotorum, praefari forsitan haud alienum erit; quibus ni animum diligenter adverteremus remedia nostra vel prorsus inepta, vel multum impedita evadent.

DE CIBO.—Ex *vegetabilibus*, ea quae facillimè
concoquuntur

concoquuntur et tardè acefcunt feligenda funt ; ut panis bene fermentatus et non nimis recens, oryza, falep, fago, *tapioca*, et batatas. Haec, fi ventriculus facile toleret, pro maxima aegri diaetae portione ufurpari debent : Sed iis hoc morbo laborantibus victus vegetabilis rarò convenit. Igitur, re ita fe habente, ad cibum animale confugiendum eft : Et hîc notatu dignum fit, communi opinione nonobftante, carnes juniorum animalium plerumque concoctu nonnihil difficiliiores effe quam provectorum ejufdem fpeciei ; quod in carne vitulorum et agnorum praefertim obfervatur.

Diverfas inter fpecies, tam quadrupedum quam volucrum, haud magna exiftat differentia : Pifcibus magis difcrimen intercedit ; horum oftreae crudae et cum pipere comefae, cancri, aftaci, gadus merlangus (*whiting*), gadus aelfingus (*haddock*), aliique carne alba et olei pauxillo gaudentes, fimpliciter et fine fuccis lautis parati, facillime digerentur ; contra, anguillae, halices, fcombri, falmones, aliique carnis rubrae vel olei pleni, ventriculum gravent. *Piftorium opus*, butyrum, adeps, et omnia oleofa femper evitanda funt.

Quod

Quod artem coquinariam attinet, “ Carnes plurimum affae vel elixae, quam modice tantum aut leviter coctae, duriores sunt concoctu, nisi haec fastidium moveant, quod concoctionem omnis cibi impedit *.” Et carnes affae, vel lento igne coctae (anglicè *stewed*), elixis plerumque anteferendae: Caro bubula super craticula tosta (vernaculo sermone *beef steak* dicta) optima inter feracula enumeretur. Porro, victus animalis solubili-
or evadit si non nimis recens, sed ad putredinem paululum vergere prius permiffus quam usurpetur. Sed quod ad hoc, et quasdam alias observationes ad cibum spectantes, attinet, multae exceptiones oriri possint, a consuetudine aut idiosyncrasia aegri peculiari, pendentes, et non nisi sua propria experientia discendae; e. g. bubula salita, aliaque in diaeta maritima cibaria nautae facile concoctu erunt, dum jus ex gallinaceis pullis confectum, vel thea acorem in ventriculo gignerent: Longe aliter saeminae tenerae res eveniret.

Pisces

* Greg. Consp. Med. Theoret. § 1016.

Pisces testacei nonnullis minime concoqui possunt, aliis levissimum cibum praebent, &c.

Casei qualitas a statu quo utatur multum pendet; cum recens adhuc, praesertim si tostus sit, difficillime concoctu reperitur; vetus vero et acris factus, parva quantitate assumptus concoctioni favere possit.

Ova recentia et forbilia multis levem et nutrientem cibum praestant.

Lac, quamvis sano ventriculo facillime digeritur, plerumque dyspepticiis malè convenit.

A varietate alimentorum, aegros hoc morbo laborantes, cavere, et ab epulis decedere potius cum aliqua cibi appetentia quam fatiatis, oportet. Divites esurire finendo, et pauperibus cibum praebendo huic morbo occurrere liceat—ait Medicus celeberrimus.

“ Il est également important, pour les per-
“ sonnes dont je parle, de regler la quantité, que
“ le choix des aliments; elles doivent être surtout
“ fort attentive à ne jamais manger, qu’elles ne
“ sent que les derniers aliments qu’elles ont pris,
“ sont entièrement digérés. Un souper trop con-
“ siderable

“ fiderable produit deux maux : Premierment, il
 “ ne fe digere pas : Secondment, il trouble le
 “ fommeil ; et pendant la nuit même, l’agitation,
 “ la fièvre, le mal de tête ; et le lendemain le
 “ malaife, la foibleffe, par là même l’augmenta-
 “ tion du mal ; au lieu qu’un foupper proportionné
 “ à la foibleffe de l’eftomac fe digere bien, et laiffe
 “ jouir d’un fommeil tranquille : Et comme de
 “ bonnes digeftions, et un bon fommeil, font les
 “ deux grands moyens de raparation que la na-
 “ ture a donnés aux hommes, on fent combien il
 “ eft important de les conferver le plus qu’il eft
 “ poffible *.”

Pulmentum avenaceum ; parata illa ex Cacao
 quae *Chocolate* et *Cocoa* appellantur ; ova forbilia ;
 et farta ex pane levi, vel oryza confecta, loco
 Theae aut Coffeae pro jentaculo bene fufficiun-
 tur.

Condimenta et Aromatica, ad actionem ventricu-
 li idoneam ciendam aliquando utilia fint, fed ex-
 cessus

* Tiffot, Avis au Peuple, § 596.

cessus in usu horum nunquam non timendus est; nam consuetudo inde nanciscatur, quam, gradatim (quamvis difficile), excutere necesse erit.

Juvat etiam monuisse, cibum bene manducare, multum conferre. “ Not to mention the saliva
“ which moistens the food and predisposes it to
“ be dissolved, it cannot be doubted, that, when
“ it is reduced to pieces by the action of the
“ teeth, the gastric fluid penetrates more readily,
“ and, by attacking it at more points, dissolves
“ it more speedily than when it is whole *.”

Si aegri ad vegetabilia jam enumerata se cohibere nolint, utile sit iis notare, cynaram, asparagum, *celeri*, spinaciam, rapum, daucum, et phaseolum, brassicae, pisces et fabis (nisi teneris), cucumeribus, melonibus, castaneis, et omnibus nucibus oleosis anteponenda esse.

Ex fructibus—Fraga, grossulariae, uvae (deacidinatae), uvaeque passae, et pyri hortenses, minus quam mala hortensia, ribesiae, et praesertim

Drupaceae,

* Spallanzani's Dissertat. Vol. I. P. 276.

Drupaceae, veluti cerasi et pruni, nocent. Post prandium tutissime assumentur. Sed praeſtat his omnibus abſtinere.

DE POTU.—Aqua pura, vel quae ſuper panem toſtum infuſa fuerit, optimus potus, et ſola, bonum remedium interdum reperta eſt. Sed, heu! nimis frequenter accidit homines potibus meracioribus ſe affueſcere: Cum res ita ſit, cereviſia fortis Londinenſis, *porter* dicta, vel aqua parva ſpiritûs deſtillati quantitate commiſta, plerumque accommodatiſſimae ſint. Summa vero prudentiâ opus erit in ſpiritibus deſtillatis aegrotis propinandis, nam, vi conſuetudinis, paulatim ſuaviores fiunt et meraciores bibuntur.

Si vina permiſſa ſint, uſitatiſſimorum inter optima invenientur *Maderenſe* et rubrum Luſitanicum *Port* dictum.

Nunc ſupereſt ut de *Remediis* pauca loquere-
mus.

Acida vegetabilium *nativa*, ob proclivitatem eorum ad fermentandum, et vim ſendantem quam poſſident,

possident, mala sunt. *Acetum* verò, acidum vegetabile fermentatum, tutò et saepe felici cum successu adhibetur. *Acida* tamén *mineralia* anteferenda sunt, praesertim acidum vitriolicum ob vim suam antizimicam, et adstringentem, et stimulantem qua pollere observatur.

Varia e *Ferro* praeparata ut medicamenta tonica diu in usu fuere. Experimentis enim MENGHINI compertum est sanguinem eorum qui chalybeatis usi fuerunt colorem rubriorem habere, et pariter hujus metalli plus continere. Quin et LORRY narrat se deprehendisse urinam aegroti, hoc remedio utentis, colore subnigro, pauxillo gallarum adjecto, tinctam.

Limatura vel rubigo ferri pro remediis roborantibus adhiberi possint, quoniam virtutes earum medicae acido primarum viarum extrahentur: Juvat etiam novisse, eas ventriculo minus ingratas esse si aromaticis jungantur. Quinetiam a dosibus parvis incipiendum est, eo quod proclives sint ad nauseam vel vomitum excitandum. Ferrum vitriolatum validum medicamentum est, sed saepe ventriculum turbat, ideoque parum idone-

um ; tinct. ferri verò ab hoc incommodo videtur esse libera, et communi usui magis accommodata.

Aquae minerales ferro imbutae effectus roborantes edere videntur, praesertim cum ferrum in his acido carbonico fit solutum. Multos ex effectibus quos fontes chalybeati absolvere dicti sunt, ab exercitatione corporis, animi delectatione, et jove puriori potius proficisci, putamus ; quamvis minime negandum sit aliquid tribuendum esse partim aquae ipsae, partim peculiari alicui impregnationi.

Non defunt medici clari inter quos viget consuetudo, lac vaccinum fervens cum aqua *Selterana* mistum praescribendi iis qui ventriculo laborant : Num vero praxis illa felici eventu comiteatur, doctorum et in medicina peritorum observatione et experientia confirmanda restat. Lac iis dyspepsiae obnoxiiis plerumque minime convenire, compertum est. Quamvis enim aqua calcis ejus coagulationi, ideoque quibusdam ejus incommodis obviam ire potest, tamen parum constat, aquam *Selteranam* eundem effectum praestare : Pars quoque acidi carbonici, a quo efficacia ejus praecipue pendere

pendere videtur, calore sic expellitur. Hic insuper liquor tepidus non potest quin debilem redderet ventriculum, ob vim suam relaxantem; et quamvis minus quam aqua communis tepida laederet, minime tamen innoxium putamus. Haud negandum est ut aliquando symptomata mitiora reddat, aqua enim calida eundem effectum edere potest, non tamen inde concludendum est idoneum et validum esse remedium. Haec sunt quae proponenda habemus contra aquae hujus mineralis usum sub hac forma: Ad favendam vero hanc praxin dici potest, quòd ventriculus sit adeo debilitatus, et irritabilis, ut illaesus tolerare non potest gradum frigoris tam magnum quam haustus frigidus ei impertiret. Natura enim videtur lege sanxisse, ut impulsus vel stimulus quivis corpori applicatus, esset, plerisque saltem in casibus, pro ratione principii vitalis, aut vigoris corpori inhaerentis: For-
san hoc fundamento nititur consuetudo aquam frigidam per tubos bibendi, quo modo adeo gradatim introducatur, ut ventriculo fatis reniti occasio data sit.

STIMULANTIA.—

STIMULANTIA.—*Salis marini* effectus, fortasse, a vi suâ stimulantē proveniunt, sunt enim multi a ventriculo laborantes qui carnes salitas et ficas melius quam recentes concoquunt*.

Aromatica et *Acria* plurima diu in usu fuerunt; levamen vero ab iis raro firmum observatur, et ob rationes jam expostas perraro praescribenda sunt.

Amara.—Horum remediorum haud exigua existit in regno vegetabili copia. Quae sequuntur anteferenda sunt; scilicet, radices gentianae, curfutae, colombae, serpentariae, lignum quassiae, flores chamaemeli, cort. aurantium, angusturae, Peruvianus, &c. Haec omnia effectus roborantes edunt. Quidam corticem angusturae summis laudibus dignum judicant, et si a qualitatibus ejus sensibilibus judicare liceat, eum esse remedium perutile concludamus; sed experientia satis ampla adhuc deest ad virtutem ejus confirmandam.

Astringentia etiam pro remediis roborantibus
non

* Praelectionibus Pract. cel. Dris. Duncan, 1789,—90.

non immerito enumerantur, praesertim si cum amaris conjuncta sint.

Inter haec omnia vero *Cortex Peruvianus* primum tenet locum, et in hoc morbo cum summo successu adhibetur. Ab experimentis Dris. SKEETE demonstratum est ut magnesia cum cortice juncta eum longe efficaciorum reddere inserviat, praeterea, magnesia acorem, si ullus in ventriculo sit, corrigere, alvumque mollire utilis erit. Cortex optimos edit effectus sub forma pulveris subtilissimi administratus: Sed quoniam aliquando ventriculo, sub hac forma, minus bene convenit, tunc, tinctura ejusdem, vel infusum, vel extractum usurpanda sunt. Tincturae vero omnes amarae circumspectione adhibendae sunt, ne spirituum destillatorum desiderium excitarent.

Quamvis autem cortex Peruvianus validum remedium reperitur, tamen alia hujus ordinis non ideo sunt contemnenda: Nonnunquam enim accidit ut alia amara efficaciora inveniantur.

Nullum vero ex his ultra spatium decem aut quatuordecim dierum sine intermissione continuari debet, ob rationes jam antea memoratas. Tem-
pore

pore autem intermissionis, aeger chalybeatis vel aliis tonicis remediis, cum multo commodo utetur. Qualitates *amarorum* noxiae sic evitari potuissent, et postea felicius refumentur.

EXERCITIUM.—Ad illam ecce ! pervenimus curandi rationem caeteris valde utiliore, et fine qua omnia conamina, remediaque nostra inutilia forent.

Ad actionem a summo Opifice nostra machina destinata et fabricata est : Sanitas ergo ab actione inseparabilis. “ Quod ad idoneam corporis exercitationem attinet, pro remedio roborante,” inquit Auctor inclytus, “ omni laude major est :” Vigorem enim impertit musculis voluntarii motus, nec non per sympathiam, iis qui sunt motus involuntarii ; sanguinis circuitum per totum corpus, et quicquid ab eo pendet, promovet ; cibi appetitum acuit, sanam concoctionem efficit, et animo aequae ac corpori vires conciliat.

Exercitatio semper antecedere cibum, vel summo mane vel paulo ante prandium, et ad levem sudorem aut lassitudinem, non ad fatigationem protrahi,

protrahi, et sub pleno jove, et in aëre puro et fico fieri, debet.

Quando vires aegri finunt, ambulatio et equitatio omnium exercitationum sunt optimae: Ægro vero non ad has exercitationis species valenti mitiores praescribendae sunt, igitur ad gestationem in curru aperto, vel demum ad frictiones confugiendum est.

Peregrinatio maritima tanquam levissima gestationis species, et infirmissimis aegris optime accommodata, a multis medicis plurimum, et forsan merito laudata est; verum tamen suis non vacat incommodis, ideoque raro convenit.

Indusium laneum, vestitusque pedibus et cruribus focillantes, nostram attentionem, optimo jure, sibi vindicant.

Balneum frigidum, cautione adhibita, vi roborante haud exigua pollet; contrà, ab intempestivo ejus usu, ingentem debilitatem inducere solet.

Æger in balneum ventriculo pleno nunquam immergere deberet: Saepe cum balneum frigidum solitae temperiei tolerare nequit, si aliquan-

tum

tum calidae cum frigida aqua balnei commistum fuerit, id tum bene tolerabit, et consuetudine paucorum dierum, subducta paulatim calidae copia, eo usque perveniet, ut balneo quam frigidissimo non modo sine incommodo aut periculo, sed cum insigni beneficio utatur.

Aliquando aquâ ex alto cadente, sub forma perfusionis, uti prodest.

Verisimile est beneficium a balneo acceptum attribuendum esse stimulo quem subitus descensus in aquam gelidam generi nervoso, universoque corpori impertit; itaque aeger non debet multum temporis in balneo remanere (duae enim vel tres immersiones sufficiant), ne, pro robore, infirmitatem sibi compararet.

Si brevi, balnei usum, rubor, calor, humiditas, saltem mollities cutis, vigor musculorum, bonus cibi appetitus, bonaque concoctio, et animi hilaritas, excipiant, non est cur dubitemus eum salutarem esse futurum: Contra—nimium esse frigidum, vel nimis diu adhibitum, vel aliquo modo demum balneum minime convenire, testantur magnus et
diuturnus

diuturnus membrorum tremor, vultûs pallor, ficitas pariter et frigus cutis, artuum debilitas, spiritus demissi, nausea aut anorexia.

Cuivis attentè reputanti nexum intimum qui inter animum et corpus intercedit, necessarium non erit explicare quanti sint, in morbis medendis, momenti, animi affectus vel pathemata: Et maxime quidem dolendum est eorum regimen et administrationem tam parum in nostris manibus esse.

Quamvis enim difficile sit conceptu quid sit ens illud immateriale et intelligens, cui Philosophi et Medici nomen *animus* imposuerunt, aut quo pacto agat, vel afficiatur, haud tamen negandum fit, ipsum et corpus se invicem plurimum afficere: et quidem certum est ut functiones animales sint mutandae a rebus quae alio modo agere non possent nisi mediante animo, non secus ac a rebus quae non agant ... ï quatenus corpori admoveantur.

Affectus animi omnes qui deprimentes vocantur, sedulo sunt evitandi, et aegrum in societate se indulgere oportet. Quinetiam omne exercitii genus quaedam delectatio debet comitari. “ Non

“ verbis opus est, ut quisque qui naturam huma-
 “ nam vel minime intellexerit, probe perspiciat,
 “ exercitationem quamlibet, puta ambulationem
 “ quotidianam, aut longum iter, longe aliter ho-
 “ mini esse profuturam, quem venatus amor, aut
 “ herbarum studium, ducit per campos, et mon-
 “ tes, et sylvas, et littora, indefessum a mane ad
 “ vesperem usque, et quem pulchra naturæ fa-
 “ cies, et mirabilis ordo, delectat atque exhilarat,
 “ ac tristi et misero aegrotanti, cui nihil aliud co-
 “ ram oculis aut in animo versatur, quam morbus
 “ quo laborat, et periculum et mors quae credit
 “ sibi instare *.”

Praeter jam antea dicta de somni defectu vel
 excessu, hic dignum sit notatu, ut non tantum
 somni *diuturnitati*, sed etiam *tempori* quo sumen-
 dus est, respiciamus; exempli gratia, somnus per
 septem horarum spatium, scilicet ab hora prima
 ad octavam ante meridiem, eundem effectum non
 praestabit, ac somnus per idem temporis spatium
 nocte

* Greg. Consp. Med Theor. § 1139.

nocte sumptus, scilicet ab hora decima post meridiem ad quintam mane sequente. Hoc fortasse, aliqua saltem ex parte, explanari potest a statu quodam febrili, tempore pomeridiano, solito (praesertim in iis quibus est ingens mobilitas), ex applicatione variarum rerum stimulantium quibus homines vigilantes sunt objecti, qui status superveniente somno interpellatur. Quocunque vero modo de causa ejus ratiocinemur, factum non dubitari potest, itaque attentionem nostram mereatur.

Hoc Opusculo sic ad finem perducto, oblatam occasionem lubentissimè arripio, sinceras exsolvendi gratias Professoribus hujus almae Academiae clar. GREGORY et DUNCAN ; ob magnam amicitiam quam ab illis expertus sum.

Quin et nefas mihi fore existimo, HUGONEM FERGUSON, A. B. T. C. D. carissimum meum amicum

cum, sociumque in studiis, silentio praeterire; cuius morum suavitatis, et indolis bonae meminisse me semper delectabit.

F I N I S.